

DEO OPTIMO, MAX.  
UNI ET TRINO,  
VIRGINI DEIPARÆ, ET S. LUCÆ,

Orthodoxorum Medicorum Patrono.

QUÆSTIO MEDICO-CHIRURGICA. *etiam prima.*

QUOD LIBETARIIS DISPUTATIONIBUS,  
*manè discutienda, in Scholis Medicorum, die Jovis,*  
*vigesimâ-primâ Martii, 1726. \**

M. MICHAËLE PEAGET, Doctore Medico,  
utriusque Pharmaciæ Professore, Præside.

*An, vulnera à crurali arteriâ, ab amputatione aspiciendum.*

I.



VIDENTIOR Therapeutices pars, Chirurgia. Meditando leges curandi ponit, & scientia amat dici: manu famulatur, & artis nomine insigniri solet. Non primis hominum temporibus fuit exculta. Bellum, matribus detestatum, etsi accelerat lethi gradum, heu nimis præcipitem, primum capit excoli: trucidandique fratris peritus frater prius fuit, quam servandi. Est qui hostium gladios à civium capitibus avertat: est qui mortem, simul cum telis vibratis, è faucibus corporibus extrahat; utri deferenda palma sit, ab antiquâ ne quaesieris Româ, quæ Victoriæ omnigenas, Chirurgiæ nullas nexuit coronas. Oculatiores posteros ad se rapuit tandem perspecta artis necessitas, nec eam clarissimorum virorum cultu nobilitatam, inventis ornatam, ipsâ Heroium ingenia fastidierunt. In bellorum cunis vagiit, cum bellis adolevit. Dum pax, dum aurea vigeat fides, in tumorum, luxationum, leviorum morborum curatione Chirurgia tota versabatur. Verum ex quo ruptum est concordiz vinculum, ex quo ferrum è tertæ penetralibus erutum, in tela, gladios, explodendosque globos excusum est, insolentium vulnorum cohors terris incubuit. Corporis Humani structura partium offensarum indagazione luentius explorata est, & ex læsionum varietate multiplices inventæ sunt ac perfectæ curatricis manus operationes. Earum nulla prudenti magis indiget cunctatione, quam quæ membri alicujus resectionem molitur. Nec planè damnetur veteris Medicinæ sævitia, quæ ustione torquere partem maluit, ut servaretur, quam tractare mitius, derepentè abscindendo. Recentioribus feliciter innovare partium omnium connexiones & consensus: cur his tutandis minus consulerent? Cur scinderent membrum præcipites, quod benigniori possunt operâ servare?

I I.



ORPUS Humanum, machina hydraulico-pneumatica, conflat ex implexu tubulorum, figurâ, diametro, texturâ dissimilium, humoribus, spiritibusque quoquo versum meabilibus, sensus, motus, vitæ auctoribus turgidorum. Ex innumeris ipsi tubuli coalescunt fibris cavis, flexilibus, peculiari tono donatis, ac resiliere habilibus. Hæ simul coeuntes, non tantum canales longo tractu dissociatos formant, sed modò expansâ tenuium propaginum divaricatione, retis, vel telæ speciem induunt; modò plu-

\* c'est à  
l'attribution de  
cette œuvre  
que les bords  
de la  
souterraine ont  
amené à  
soutenir une  
opération de  
chirurgie, ce  
qui leur a  
servi de base  
pour les  
opérations  
de la chirurgie.  
Sur le corps de  
leur lience.

rimis oribus simul convolutæ, glandulæ effingunt. Ex minimis canaliculis cartilagines; muscoli, membranz, vasa, incernicula, glandulæ, pro situ, texturâ, figurâ atque inter se cohesionem aptantur. Inter ista organa alia vesiunt, alia cuneorum, trochlearum & elastorum vices obeunt; alia pondetis, alia potentiz officio defunguntur. Scrutare nunc actus supra & infra corpori aptatos, cavitates, visceraque in his latitantia, sede, magnitudine, officio discrepantia. In hac artificiosâ machinâ consensus unus, conspiratio una. Pronum est hujus partis in illam vitium! unâ læsâ, singulis periculum imminet. Alteruter faucietur cordis sinus, cerebrum, non secus ac corporis recessus omnes, vitalis laticis orbatu'r appulsu; deficiunt spiritus, sistuntur motus, fugit anima. Partium aliarum, etsi fovendæ vitæ minus necessitatem, conditionem ne spernat Chirurgus. Ad corporis ornatum artus ita sunt à naturâ comparati, ut, obtruncato uno, elegans symmetriz concinnitas detrimentum irreparabile patiatur. Quis non movendus lapis, ut præcaveatur deformitas, corpori debilitatem, maiorem animo haud dubiè illatura? Age verò, quàm periculi plenum opus amputatio! Sæpe crur, brachiumve impudè resecum est, ignorare non licet quod Magistra clamat experientia. Non indè tutum putes ἀποτομασθῆναι. Suum pars neque corpori præstat munus, suum persolvit quæque vitæ promptuario vestigal. Ubi ramum sustuleris, utili defraudatum officio truncum esse judicabis. Exciso femore, non minor in cerebro spirituum copia feceretur, non parior fieret αἰμὴνις. Spirituum in ablâtam partem excurrentium quò verteretur impetus? In eandem evibratus, quò se recipiet sanguis? Angustioris impatiens orbitæ, tumultuabitur uterque liquor: hinc metue vasorum insolito sub pondere fastiscentium obstructions, resolutions, rupturas; hinc febres, apoplexias, mortem ipsam omineris. Hæc perpende sedulus, si dextrâ tibi ad abscondendum pronior culter excideret, leviorique auxilii genere tentabis animam retinere fugientem. Extremo premente malo, extremam feres opem, amputando.

## III.



**A**RTERIA vas conicum, pulsans, elasticum, multiplicium ramorum parens; sanguinem à corde ad omnes corporis Mæandros desert. Ab ampliori diametro in angustiore pergit: versùs extrema, ipsius ramuli canalis cylindrici formam induunt, in plexus reticulares mutantur, tandem in venas, vasa lymphatica, aut ductus excretorios desinunt. Quadruplici membranâ constat arteria: prima vasculosa dicitur, ob innumera eam percrepantia vasa, quæ nutritium vehunt succum; secunda glandulosa, à glandulis quibus interspergitur; tertia musculosa, à fibris annularibus, undè robur & vis resilienti, aliam cellulosam addit Ruyschius. Post hæc arteriæ structura, patet arteriam sedem aneurismatis esse. Hinc nascitur aneurisma in omnibus corporis partibus, sive externis, sive internis, in brachio, femore, circa pectus, in cerebri membranis. Concludas arteriarum morbum frequentissimum esse aneurisma; dux si quidem universum corpus, salutant arteriæ, pulmonalis arteria, & aorta, ex quibus cætera, tanquam rami à trunco, oriuntur. Ex ascendenti, brachialis arteria ad flexuram cubiti plerumque indivisa descendit, ramulos brachio impertiens: in radicem ac cubitalem dividitur, quæ per manum ac digitos propagantur. A descendente, cruralis arteria in externam minorem, per anteriorem femoris partem, & internam majorem abit, undè popliteæ, surales, tibiales; & quæ per extremum pedem, appellationibus destitutæ, descendunt. Aneurismatis vocabulo tumorem sanguineum, ab arteriâ, vel dilatatâ, vel abscissâ factum intelligimus. Duplex statuitur species. Aliud verum & genuinum dicitur, aliud spurium. Utrumque vel ab interiori causâ fit, vel ab externâ. Primum ex debilitati, rariori arteriarum texturâ, vel exterioris tunicæ rorsione, rupturâ, vasis obstructione, ictu, aut casu originem ducit. Unde fit, ut interior perenni sanguinis appulsu sensim laxata & dilatata, in ingentem tumorem demum succrescat. Altera species spurium aneurisma dicitur, à sanguine veluti concretio, qui ex arteriâ sectâ, vel erosâ subter cutem effusus membranaceam, carnosamve substantiam ementitur. Hic tumor multiplici discrimine, à priore sejungitur. Ille rotundior magis eminet; hic planior magis diffunditur: in illo cutis nativum servat colorem, in hoc alienum induit, lividum puta: in illo deprehenditur pulsatio valde manifesta, in hoc obscura, vel nulla. Observes hæc pulsatione fortiori, vel debilitati aneurisma ab aliis tumoribus, & præcipuè à tumoribus varicosis ipsi affinitus distingui. In arteriis minimis aneurismatis curatio faciliè cedit, in majoribus, hoc opus, hic labor videtur. Multos etenim à rectâ salubrique curandi ratione detrectet incerti eventus obscuritas, timidaque præsentio futurorum. Pars aliqua notæ vilioris agrotat, confidenter adhibetur medela, prosperoque ducit ad exitus. Nobiliss organum consimili deinceps teaturat affectu, suspensus hæret Medicus, eandem respuit curandi viam; remedium, quantumvis non insolite tenentum, partis præstantia videtur detrectare. Interrito nullus viderit animo sanguinem è cæcis arteriis profluentem. Spumeum dicere torrentem, nullis cohibendum aggeribus, moleisque oppositis gurgite rapientem. Vulneratâ crurali arteriâ, erumpit vitæ fons, brevi exhaustiendus;

purpureamque tandem vomiturus animam. Ægrum, astantes, Chirurgum unus omnes quare horror: ac veluti desagrantiis ædificii vicina tecta, cum incendiū nutrimenta prædicuntur, sic microcosmi partem, ne ruat ipse funditus, rescandam esse clamant. His non obsequenter clamoribus, nisi qui tritam imperitioris Chirurgiæ calcant viam, nihilque consilii ab ingenio suo extorquere usquam potuerunt. Prodeant peritiores Magistri, crudelis operis apparatus disiecturi, manumque præbituri leniorem. Prodeant quibus tot vias ad salutem iterare datum est, quorū patent aditus ad mortem. Hi quippe penetrabilia corporis assidue persequendo, competerunt occultas esse complures vias, quibus ex insperato quasi ab Orci faucibus proripit se natura. Nonne per sua singuli diversoria procedunt rami multiplices, quorum inintellecto commercio, vas unicum corpus merito dixeris? Indè noveris providam summī artificis sagacitatem, quā cautum est, ut vitæ arbiter liquor exactius distribueretur, provinciacque obtruncari, vel obliterati vasis, à vicino cocunte gereretur. Nonne ægro ad extrema redacto vitam felici ausu restitutum constat, nec aliā ratione perici Chirurgiam potuisset? In spurio arteriæ cruralis anevrismate, sanguinis cum impetu exundantis cohibendus esse effluxus. Fiesvoti compos. Aperti canalīs extremum adstricto comprime vinculo, erumpenti sanguini præcludetur exitus, simulque cum roto corpore superstes pars utilis remanebit. Neque amputandi rationem artificum recentiorum industriā perpolitam facientes, ut ab eā non ita videatur abhorrendum: quantumvis simplici ad secundum indigeas apparatu, minis terroris incutietur agrotanti, non minus lugenda calamitas.

## I V.



Gr o, ut par est, commodè collocato, superiori femoris parti laqueum injicies, torculo vehementer constringendum, quo sanguinis eruptio per arbitrio moderetur, eā cautione, ut solus comprimat arteriæ truncus, vasa autem lateralia, interpositis hinc indè & dextrè elevatis spleniolis, à compressione protegantur, & ut subditi laqueo carthaceā laminā impediatur quominus cutis cum dolore corrigeatur. Si carnibus inflictum vulnus non satis pateat, ut secta sui copiam faciat arteria, suprà & infrà, scalpello perita manus incidat, vasis aliis, nervisque insignioribus parciura, donec injicienda ligaturæ locus veniat in conspectum. Hoc satis nudato, acum incurvam cerato filo, vel tenioliā instructam subter trajice, cavendo ne simul nervus devinciatur, sed non nihil è subsecta carne comprehendendo, ut firmior ligatura consistat. Tūm, interjecto spleniolo, vinculum ita constringe, ut sanguini appellenti deturbari nescius obex opponatur. Altero filo pari ratione traducto infrà vulnus arteriam subligabis, ne concurrentium vasorum refluerne sanguine, hæmorrhagia recrudescat. Observabis non nisi inflexis genu & femore, opus aggrediendum, quo facilis disrupti & elastici vasis labia coeant. Ubi demum sanguini viam omnino præclusam esse comperies, quod torculo laxato explorabis, linamento multiplici, spleniis gradatim superadditis, idoneaque fasciatione operi coronidem ac firmamentum impones. Vulnere sanato, fascia gestanda est, & non nisi post annum solvenda, idque non subito, sed primò paulò lenius vinciendum, deindè laxius & tandem planè aufertur, quamvis eam per totum vitæ curriculum gestare præster. Quis te postea anget metus? An terribit te præcisum iter vitali succo, cujus benigno affluxu carere diū subiectæ partes non possunt, quin lethali putredine corripiantur. Si quando Chirurgus, vel incautè, vel imperitè defixio in brachiū arteriam phlebōtomo, sanguinem cernat subsultim erumpentem, coccineo colore in citrinum vergente, an salutis unica spes in humeri amputatione? Apagæ truculentam illam superpariarum inopiam. Postquā sanguis ad *luxationem* usque profluxit, vel imposito densioris texture spleniolo, sive chartæ masticatæ glomere, peculiaris fasciationis ope firmato, vel injecta ligaturā cohibetur. Id operis feliciter cedere constat, neque indè corporis vitam, sive brachii incolunitatem admodum periclitari crebra docuerunt experimenta. Vulneratam cruralem arteriam, simili Chirurgiā in gravius discrimen adduci rēruit mens sana cogitare.

## V.



St o: brachiali ramo opituleatur ligatura & compressio. An idcirco cæteris arteriis eandem opem ferent? Arceatur hæc infida & male - sana curandi methodus? Curationem potiùs caustico aggrediari. Sed causticum, ut pote providentiā destitutum, tam nervo, aut tendini, quā absumendæ parti labem inuret. Minus formidanda ligatura. At inquires, arteriæ rori distribuendo dicantur, & ad extremas usque partis arteriolas nutritium rivulum deferunt. Si ligentur arteriæ, aut comprimentur, nonne pars infrà ligaturam, succo, quo jugiter à trunco avolantium particularum jactura refarciri solebat, defraudabitur, brevi peritura? Quā dispar à trunco ramus! Ipso deficiente, provinciam gerit ipse truncus, aut alii rami. Casā verò arteriā, ad Plutonias ædes detrudis agrotantem, si audax nimium ligaturam tentes. An non peritior Chirurgia parti vulneratæ torculum illi admovebit? Crudelis sanè medela, sed has inter angustias, partem roscare præstat, ne

fibres corpori sincero innatur. Non me tua tamen dicta terrent. Experimentiâ constat, anevrismatis brachii curationem ligatâ arteriâ cedere, ipse licet brachialis truncus phlebotomo pun- gatur. Eccc in crurali arteriâ ligaturam adhibere piaculum foret? Cuique arteriæ famulantur vasa lateralia, quorum usus idem ac trunci. Quid obstat quominus hæc lateralia vasa obtruncari canalis vices adimpleant? Eccc paulatim à tergo premente sanguine dilatata ita non ampliarentur, ut truncorum nomen & conditionem mererentur? Ab illo vasorum connubio anevrismatis curationem ducas. Si ex. g. læsus arteriæ brachialis ramuscubitus devinciatur, vicino radio sanguis excipitur, huc illuc in subiectas partes inosensationum ope discursurus, toti postmodum brachio, sensim ampliatis tenuium tubulorum utriusque rami communium furculis, caloris fontem, nutritiosque rivos abundè largiturus. Nisi fortè arguerit quispiam arteriæ fauciæ ligaturam infelicitè cedere, quoties supra duorum ramorum *cubitæ* & *radici* è brachiali trunco prodeuntium originem vulnus inflictum est. Verùm quàm te inanis ludit timor! Norunt docti ac periti, ramos quosdam ex superiori parte arteriæ brachialis versùs ossis humeri condylos descendere, ibique plures hinc indè furculos emittere. Norunt ab arteria *cubitali*, ut à *radiali*, ramulos sursum reflecti versùs eisdem condylos, ibique furculos spargere, furculis descendentibus arteriæ brachialis, per exiles, maxime pervias ac sæpiùs demonstrata *anastomosis*, unitos. Rivulorum tenelli confluentium tubuli ne fasciarum pressu strangulentur aptâ spleniorum intercapedine gnarus faciliè præcavet. Quod porro præstat munus in artubus superioribus ista corrivatio, idem in inferioribus adimplebit arteriæ cruralis ramulorum descendentiũ & utriusque arteriæ *tibialis* furculorum recurrentium, sive ascendenrium communio circâ poplitem & juxta genus, non ita pridem ab oculatissimo & Anatomicorum fidissimo D. D. Winflow demonstrata. Utrobique scilicet eandem ferè vasorum structuram, pares divisiones, non diversas conjugationes spectabis; cur absmiles ederentur effectus? Neque quicquam interest, inquit Celsus, an satis tutum sit remedium, quod unicum est. Obfirmato stes igitur animo, ubi cruralem arteriam ligaveris. Si frigus indomitum gangrænâ portendat, non erit indè quod te conatus pæniteat; omnia quippe ad amputationis opus prompta vides. Sed immortale manet te decus, si quod reliquum est curationis, natura idoneis adjuvata præstidii exequatur. Hæc repetas ab accuratâ victûs ratione, à venæ-sectione, pro ætate, viribusque celebrandâ. Calidis quoque & spirituosius inunctionibus partem foveas, quæ amicum concilient alore, usque diũ sanguis novas sibi cundo vias expederit, nativum vitæ fontem rediturus.

Non ergo, vulneratâ crurali arteriâ, ab amputatione assuecandum.

#### Domini Doctores disputaturi.

M. Claudius Brunet, Cursus  
Professor.

M. Ludovicus de Santeul.

M. Emmanuel - Mauricius du  
Verney, in Horto Regio Anato-  
mies & Chirurgiæ Professor de-  
signatus.

M. Ludovicus Bourdelin.

M. Michaël - Ludovicus  
Vernage.

M. Joannes - Franciscus  
Leault.

M. Hyacinth-Theodorus Baron.

M. Germanus Preaux, Professor  
Regius.

M. Joannes Cordelle, Antiquior  
Scholæ Magister.

Proponebat, Parisiis, JOANNES-BAPTISTA DUBOIS,  
Sanlaudæus - Constantienfis, Baccalaureus Medicus,  
A. R. S. H. 1726. à sextâ ad meridiem.